



## Publicaziuns dalla vischnaunca, jamna 41

### Scaldaments mobils el liber

*bulius da scaldar, radiators, radiators d'infratgietschen e.a.v*

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO<sub>2</sub> e.a.v. Silmeins 20% dall'emissiun CO<sub>2</sub> sto vegnir cumpensada en Svizra.

2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.

3. La cumpensaziun dall'emissiun da CO<sub>2</sub> succeda entras il gestiunari ni entras la vischnaunca.

4. Sch'ils gestiunaris cumpenseschan sez l'emissiun da CO<sub>2</sub>, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p. ex. myclimate). Per apparats da scaldar electricics po l'obligaziun da cumpensar l'emissiun da CO<sub>2</sub> era vegnir ademplida, sch'ei vegn applicau – per mintga tonna CO<sub>2</sub> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.

5. Sch'ils gestiunaris cumpenseschan buca sez l'emissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada. Il prezi per vignetta importa frs. 60.–.

6. Las vischnauncas impundan igl entir recav dalla vendita da vignettas per cumpensar l'emissiun da CO<sub>2</sub>.

Igl uffeci d'energia e traffic metta a disposiziun in agid d'execuziun per las vischnauncas.

7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

8. Quell'ordinaziun entra en vigur igl 1. da settember 2011.

Las vignettas san vegnir retratgas tier l'administraziun communal. Per ulteriur sclariment stat igl uffeci da baghegiar (Ervin Maissen, tel. 081 920 36 46) a disposiziun.

*Suprastonza communal Disentis/Mustér*



**Vischinadi d'Acletta  
Radunonza generala**

Mardis, ils 22 d'october 2013 allas 20.00 el hotel «Péz Ault».

Tractandas:

1. Elecziun da dus dumbravuschs
2. Prelecziun ed approbaziun dil protocol
3. Rapport annual dil president
4. Render quen, rapport dils revisurs
5. Taxas da fiug
6. Elecziuns vischinadi
7. Propostas per candidatas e candidats per la cumissiun da gestiun
8. Program da lavur
9. Varia

La suprastonza spetga sin stedia participaziun.

*La suprastonza*

---

**Vischinadi Funs-Latis-Clavaniev  
Invit alla radunonza generala**

Venderdis, ils 18 d'october 2013 allas 20.15 el hotel «Cucagna».

Tractandas:

1. Beinvegni
2. Elecziun d'in dumbravuschs
3. Prelecziun ed approbaziun dil protocol dils 14 da settember 2012
4. Rendaquen e rapport dils revisurs
5. Rapport annual dalla presidenta
6. Fixar la taxa annuala
7. Elecziuns revisurs da quen
8. Nominaziun per la cumissiun da gestiun
9. Varia

Suenter la radunonza vegn offeriu igl usitau puschegn.

Cordialmein envida  
*la suprastonza*

---

**Vischinadi Vitg – Radunonza extraordinaria**

Venderdis, ils 18 d'october 2013 allas 20.00 en casa communal.

Tractandas:

1. Beinvegni
2. Elecziun dils dumbravuschs
3. Nominaziun da candidats/as per cumissiun da gestiun
4. Varia

Cordialmein envida  
*la suprastonza*



### **Staziun d'anugls Disentis/Mustér**

Punctaziun d'anugls sonda, ils 12 d'october 2013 allas 10.00 a Trun.

*Per la suprastonza:  
Tini Flepp*

---

### **Uniun samaritana Mustér**

Nies proxim exercezi meinsil ha liug *gliendisdis*, ils 14 d'october 2013 tier la firma Giger pegnas scalegl a Sedrun (trer en resti cauld!).

*Rimnada allas 19.15 sin plaz-scola, Mustér.*

Sin ina stedia participaziun selegra *la presidenta*

---

### **Biblioteca populara Disentis/Mustér e contuorn**

*Exposiziun: Ils clubs da curling Mustér e Sedrun dils 23 da settember tochen ils 18 d'october 2013*

Il proxim unviern arriva segir! El rom da nosa seria: *La biblioteca presenta uniuns localas* ein naven d'immediat ils clubs da curling Mustér e Sedrun tier nus sin viseta. Il sport da curling vegn era numaus schah sil glatsch. Quei pervia da sias numerusas raffinessas tacticas. El auda tiel sport da precisium. Ella biblioteca confruntan aschia per quater jamnas crappa da curling cun cudischs da leger. Ina interessanta scuntrada.

Nus selegrein sin Vossa viseta!

*Ils clubs da curling Mustér e Sedrun e la Biblioteca populara Disentis/Mustér e contuorn*

---

### **Mummas cun affons pigns Vortrag Kinderernährung**

*Donnerstag, 24. Oktober 2013, um 19.30 Uhr im Aua Viva. Referentin Lukretia Candreja, Vere-Vita-Ernährungskoaching, Illanz.*

Annunzias pren Manuela Maissen, tel. 081 936 43 24, bugen encunter entochen ils 23 d'october 2013.

Sin Vossa participaziun selegran

*mummas cun affons pigns, Mustér*

---

### **Uniun samaritana Mustér Trenament BLS-AED**

Teoria e trenament tenor las novas directivas.

*Gliendisdis, ils 21 d'october 2013 en casa da scola Mustér, local samaritan*

*1. gruppa 19.00–20.00 – 2. gruppa 20.00–21.00*

Envidai ein tuts che han absolviu in cuors da BLS-AED. Era buca commembers dall'uniun ein cordialmein beinvegni, ein denton supplicai da s'annunziar tier: Yvonne Flepp, 081 947 50 35,

[yvonne.flepp@kns.ch](mailto:yvonne.flepp@kns.ch)

